



TOSHKENT DAVLAT YURIDIK UNIVERSITETI REKTORINING B U Y R U G ' I

07.04.2023

197-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Alisher Navoiy nomidagi O'zbekiston Milliy kutubxonasi 2023-yil 10-martdagi 03-15/321-son xatiga muvofiq Xalqaro huquq va qiyosiy huquqshunoslik fakulteti 2-kurs talabasi Murodillayev Zubaydullo Islom o'g'li mazkur kutubxonada a'zo sifatida ro'yxatdan o'tgani, 2023-yil 6-mart kuni O'zbekiston Milliy kutubxonasi 1-qavatida joylashgan "Garderob"da kitobxonlarga tegishli bo'lgan ustki kiyimlarni birma-bir cho'ntaklaridan qimmatbaho buyumlarni yoki moddiy qiymatga ega pullarni qidirgani nazorat kameralaridan ko'ringani, mazkur xatti-harakatga aniqlik kiritish hamda huquqiy baho berish maqsadida Yunusobod tumanidagi ushbu hududga biriktirilgan profilaktika noziriga xabar berilgani hamda Murodillayev Zubaydulloning mazkur xatti harakatlari jamiyatimizdagi yurish turish qoidalariga zid ekanligi va universitet nomiga dog' tushirishi mumkinligini oldini olish maqsadida xabar berilgani qayd etilgan.

Talaba Z.Murodillayev o'z tushuntirish xatida 2023-yil 6-mart kuni O'zbekiston Milliy kutubxonasi 1-qavatida joylashgan "Garderob"da kitobxonlarga tegishli bo'lgan ustki kiyimlarni birma-bir cho'ntaklaridan qimmatbaho buyumlarni yoki moddiy qiymatga ega pullarni qidirgani hamda bir kishining soatini olib, qaytarib joyiga qo'ygani, shu vaqtda kutubxona qo'riqchisi kelgani va qilgan ishi uchun profilaktika nozirini chaqirgani, qilgan ishidan pushaymonligi qayd etgan.

Talaba mazkur harakatlari bilan universitet Odob-axloq kodeksi 16-moddasining ikkinchi xatboshisi (talaba har qanday huquqbuzarlik yoki jinoyat sodir etishi qat'iyon taqiqlanishi), 26-moddasining tegishli qismlari (talaba Universitet obro'-e'tibori va nufuziga dog' tushiradigan har qanday harakatlarni

sodir etishdan o'zini tiyishga; Universitet ishchanlik obro'si yoki nufuziga putur yetkazadigan nizoli vaziyatlarga yo'l qo'ymaslikka; o'qishdan tashqari vaqtda umumiy qabul qilingan odob-axloq normalariga rioya etishlari, g'ayriijtimoiy xatti-harakatlarga yo'l qo'ymaslikka majbur) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 16-moddasining ikkinchi xatboshisi, 26-moddasining tegishli qismlari hamda universitetning Ichki tartib qoidalari (ichki mehnat tartibi qoidalari) 83-bandiga asosan

BUYURAMAN:

1.Toshkent davlat yuridik universiteti Odob-axloq kodeksining 16-moddasining ikkinchi xatboshisi va 26-moddasining tegishli qismlari talablarini buzganligi uchun Xalqaro huquq va qiyosiy huquqshunoslik fakulteti 2-kurs talabasi Murodillayev Zubaydullo Islom o'g'liga hayfsan e'lon qilinsin.

2.Fakultet dekanlari (D.Umarxanova, D.Kamalova, B.Musayev, Sh.Saydullayev, A.Babadjanov) mazkur buyruq mazmun-mohiyatini talabalar e'tiboriga yetkazilishi va keng muhokama qilinishini ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

talabaning ushbu-hatti-harakatlarini qonunchilikda belgilangan talablarga muvofiq uning ota-onasiga xabar berish hamda ular bilan birgalikda talabaning yurish-turishini nazorat qilib borsin;

mazkur talabaning shaxsiy hujjatlar yig'majildiga buyruq nusxasi tikilishini ta'minlasin;

mazkur holat takror sodir etilsa, talabani talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilish prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Direktor

SH.PO'LOTOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Katta yuriskonsult

A.TURSUNOV

